


陶淵明文集卷第六

記傳贊述

桃花源記并詩



晉太元中武陵人捕魚為業緣溪行忘
路之遠近忽逢桃花林夾岸數百步中
無雜樹芳華鮮美落英繽紛漁人甚異
之復前行欲窮其林二盡水源便得一
山山有小口逋歸若有光便捨舟沿口
入初極狹纔通人復行數十步豁然開



朗土地平曠屋舍儼然有良田美池桑
竹之屬阡陌交通雞犬相聞其中往來
種作男女衣著悉如外人黃髮垂髫並
怡然自樂見漁人乃大驚問所從來具
答之便要還家為設酒殺雞作食村中
間有此人咸來問訊自云先世避秦時
亂率妻子邑人來此絕境不復出焉遂
與外人間隔問今是何世乃不知有漢
無論魏晉也一本有等此人一一為具言

所聞皆歎惋餘人各復延至其家皆出
酒食停數日辭去此中人語一本無云
不足為外人道也既出得其船便扶一作
於向路處二誌之及郡下詣太守說如
此太守即遣人隨其往尋向所誌遂迷
不復得路南陽劉子驥高尚士也聞之
欣然親往一本有遊未果尋病終後遂
無問津者

詩

羸氏亂天紀賢者避其世黃綺之商山
伊人亦云逝往跡寔復湮來逕遂蕪廢
相命肆農耕日入從所憩桑竹垂餘蔭
菽稷隨時藝春蠶收長絲秋熟靡王稅
荒路曖交通雞犬鳴吠俎豆猶古法
衣裳無新製童孺繼行歌班白歡遊一作
迎詣草榮識節和木衰知風厲雖無紀
歷誌四時自成歲怡然有餘樂于何勞
智慧竒蹤隱五百一朝啟神界瀉薄既

異源旋復還幽蔽借問遊方士焉測塵
囂外宋本作塵外地願言躡輕風高舉尋吾契
晉故征西大將軍長史孟府

君傳

君諱嘉字萬年江夏鄂人也曾祖父宗
以孝行稱仕吳司空祖父揖元康中為
廬陵太守宗葬武昌新陽縣子孫家焉
遂為縣人也君少失父奉母二弟居娶
大司馬長沙桓公陶侶第十女閨門孝

友人無能聞鄉閭稱之冲默有遠量弱冠儔類咸敬之同郡郭遜以清操知名時在君右常歎君溫雅平曠自以為不及遜從弟立亦有才志與君同時齊譽每推服焉由是名冠州里聲流京邑太尉穎川庾亮以帝舅民望受分陝之重鎮武昌并領江州辟君部廬陵從事下郡還亮引問風俗得失對曰嘉不知還傳當問從吏亮以塵尾掩口而笑諸送

事既去喚弟翼語之曰孟嘉故是盛德人也君既辭出外自除吏名便步歸家母在堂兄弟共相歡樂怡一如也旬有餘日更敝為勸學從事時亮崇修學校高選儒官以君望實故應尚德之舉太傅河南褚裒簡穆有器識時為豫章太守出朝宗亮正旦大會州府人士率多時彥君坐次甚遠裒問亮江州有孟嘉其人何在亮云在坐卿但自覓裒歷觀

遂指君謂亮曰將無是邪亮欣然而笑
喜褒之得君奇君為褒之所得乃益器
焉舉秀才又為安西將軍庾翼府功曹
再為江州別駕巴丘令江西大將軍譙
國桓溫參軍君色一作和而正溫甚重
之九月九日溫游龍山參佐畢集四弟
二甥咸在坐時佐吏並著戎服有風吹
君帽墮落溫目左右及賓客勿言以觀
其舉止君初不自覺良久如廁溫命取

以還之廷尉太原孫盛為諮議參軍時

在坐溫命

一作授

紙筆令嘲之文成示溫

溫以著坐處君歸見嘲笑而請筆作答
了不容思文辭超卓四座歎之奉使京
師除尚書刪定郎不拜孝宗穆皇帝聞
其名賜見東堂君辭以脚疾不任拜起
詔使人扶入君嘗為刺史謝永別駕永
會稽人喪亡君求赴義路由永興高陽
許詢有雋才辭榮不仕每縱心獨往客

居縣界嘗乘船近行適逢君過歎曰都
邑美士吾盡識之獨不識此人唯聞中
州有孟嘉者將非是乎然亦何由來此
使問君之從者君謂其使曰奉心相過
今先赴義尋還就君及歸遂止信宿雅
相知得有若舊交還至轉從事中郎俄
遷長史在朝隕然仗正順而已門無雜
賓常會神情獨得便超然命駕運之龍
山顧景酣宴造夕乃歸溫從容謂君曰

人不可無勢我乃能駕御卿後以疾終
於家年五十一始自總髮至于知命行
不苟合言不夸矜未嘗有喜愠之容好
酣飲逾多不亂至於任懷得意融然遠
寄傍若無人溫嘗問君酒有何好而卿
嗜之君笑而答曰明公但不得酒中趣
尔又問聽妓絲不如竹竹不如肉答曰
漸近自然中散大夫桂陽羅含賦之曰
孟生善酣不憊其意光祿大夫南陽劉

耽昔與君同在温府淵明送父太常憂
 常問耽君若在當已作公不答云此本
 是三司人為時所重如此淵明先親君
 之第四女也凱風寒泉之思寔鍾厥心
 謹按採一作採拾行事撰為此傳懼或乖繆
 有虧大雅君子之德所以戰兢若
 履深薄一作薄冰云爾

贊曰孔子稱進德修業以及時也君清
 蹈衡門則令問孔昭振纓公朝則德音

允集道悠運促不終遠業惜哉仁者必
 壽豈斯言之謬乎

五柳先生傳

先生不知何許人也亦不詳其姓字宅
 邊有五柳樹因以為號焉閑靖少言不
 慕榮利好讀書不求甚解每有會意便
 欣然忘食性嗜酒家貧不能常得親舊
 知其如此或置酒而招之造飲輒盡期
 在必醉既醉而退曾不吝情去留環堵

蕭然不蔽風日短褐穿結簞瓢屢空晏
如也常著文章自娛頗示已志忘懷得
失以此自終

贊曰黔婁有言不戚二於貧賤不汲二

於富貴極其言茲若人之儔乎酣觴賦

詩以樂其志一作酒酣自無懷氏之民

歟葛天氏之民歟

扇上畫贊

荷篠丈人 長沮桀溺

於陵仲子 張長公

丙曼容 鄭次都

薛孟嘗 周陽珪

三五道邈溘風日盡九流參差相推

隕形逐物遷心無常準是以達人有時

而隱四體不勤五穀不分超二丈人曰

夕在耘遼二沮溺耦耕自欣入鳥不駭

雜獸斯羣至矣於陵養氣浩然歲彼結

駟甘此灌園張生一仕曾以事還願我

不能高謝人間客
 丙公望崖輒歸匪
 驕匪去前路威夷
 鄭史不合垂釣川
 湄交酌林下清言
 究微孟嘗遊學天
 網時踈眷言摅友
 振褐偕徂美哉周
 子稱疾閑居寄心
 清尚悠然自娛翳
 衡門洋洋泌流曰
 琴曰書顧眄有儔
 飲河既足自外皆
 休緬懷千載託契
 孤遊

讀史述九章

余讀史記有感而述之

夷齊

二子讓國相將海隅
 天人革命絕景窮
 居采薇高歌慨想
 黃虞貞風凌俗爰
 感懦夫

箕子

去鄉之感猶有遲
 矧伊代謝觸物皆
 非哀二箕子云胡
 能夷狡僮之歌悽
 矣其悲

管鮑

知人未易相知實
 難淡美初交利乖
 歲

寒管生稱心鮑叔必安竒情雙亮令名
俱完

程杵

遺生良難士為知己望義如歸允伊二
子程生揮劍懼茲餘耻令德永聞百代
見紀

七十二弟子

恂二舞雩莫曰匪賢俱映日月共飡至
言慟由才難感為情牽回也早夭賜獨

長年

屈賈

進德修業將以及時如彼稷契孰不願
之嗟乎二賢逢世多疑候落寫志感鵬
獻辭

韓非

豐狐隱穴以文自殘君子失時白首抱
關巧行居安枝辯台一作患哀矣韓生
竟死說難

魯二儒

易代一作隨時迷變則愚介二若人特為貞夫德不百年汙我詩書逝然不顧被褐幽居

張長公

遠一作達哉長公蕭然何事世路多端皆

為我異一作偽一作世路多而我獨異斂轡竭來獨養其

志寢跡窮年誰知斯意

陶淵明文集卷第六



陶淵明文集卷第七

傳贊

天子孝傳

虞舜

夏禹

殷高宗

周文王

虞舜父頑母嚚事之於畎畝之間以孝

烝二是以堯聞而授之富有天下貴為

天子以為不順於父母若窮而無歸惟

聞親可以得意苟違朝夕若嬰兒之思

禮集七
一
愆故稱舜五十而慕書曰憂擊鳴球搏拊琴瑟以詠祖考來格言思其來而訓一作謂之愛敬盡於事親是以德教加於百姓刑于四海夏禹有天下以奉宗廟然躬自菲薄以厚其孝孔子曰禹吾無聞然矣菲飲食而致孝乎鬼神惡衣服而致美乎黻冕禹之德於是稱聞聖人之德無以加於孝敬孝敬之道美莫大焉殷高宗諒陰三年不言百官惣已而

聽於冢宰三年而後言天下咸歡德教大行殷道以興詩曰一人有慶兆民賴之其此之謂乎周文王之為世子也朝於王季日三雞鳴至於寢門問於內豎內豎曰安文王乃喜不安則色憂行不能正履日中暮亦如之食上必視寒溫之節食下必問所膳而後退文王孝道光火其化自近至遠刑于寡妻以御于家邦故得萬國之歡心以事其先王矣

贊曰

至哉后德聖敬自天陶渙致養菲薄饗
先親瘠色憂諒陰寢言一人有慶千載
賴旃

諸侯孝傳

周公旦

魯孝公

河間惠王

周公旦武王之弟成王幼少周公攝政
制禮作樂郊祀后稷以配天宗祀文王

於明堂以配上帝是以四海之內各以
其職來祭詩曰於穆清廟肅雍顯相言
諸侯樂其位而敬其事也仲尼曰孝莫
大於嚴父嚴父莫大於配天則周公其
人也貴而不驕位高彌謙自承文武之
休烈孝道通于神明光被四海武王封
之於魯備其禮樂以奉宗廟焉魯孝公
之為公子周宣王問公子能道訓諸侯
者立之樊穆仲稱其孝曰肅恭明神而

敬事者老賦事行刑必問於遺訓咨於
 故實不干所問不犯所咨王曰然則能
 訓理其民矣乃命之於夷宮是為孝公
 夫宗廟致敬不忘親也有國不亦宜乎
 漢河間惠王獻王之曾孫也西京藩臣
 多驕放之失其名德者唯獻王而惠王
 繼之漢書稱其能脩獻王之行母薨服
 喪盡禮哀帝下詔書褒揚以為宗室儀
 表增封萬戶禮古之人皆然至於末俗

衰薄固已賢矣貴而率禮又難其見褒
 賞不亦宜乎

贊曰

貴驕殊途不期而會周公勞謙乃成光
 大二侯承魯遵儉去泰河間率禮漢宗
 是賴

卿大夫孝傳

孔子

孟莊子

穎考叔

孔子魯人也入則事父兄出則事公卿
喪事不敢不勉故稱曰孝乎惟孝友于
兄弟是亦為政也君賜腥必熟而薦之
雖蔬食而齋祭如在鄉人儻朝服立於
阼階孝之至也至德要道莫大於孝是
以曾參愛而書之游夏之徒常咨稟焉
許止不嘗藥書以殺父宰我暫言減喪
責以不仁言合訓典行合世範德義可
尊作事可法遺文不朽揚名千載孟莊

子魯人也孔子稱其孝其他可能也其
不改父之政與父之臣是難能也夫孝
子之事親也事云如事存故當不義則
爭之存所不爭則云亦不敢改父之道
猶謂之孝况終身乎願考叔鄭人也莊
公以叔段之故與母誓曰不及黃泉無
相見也既而悔之考叔為封人聞之有
獻於公公賜之食而舍肉公問之對曰
小人有母未嘗君之羹請以遺之公曰

汝有母遺繫我獨無考叔曰何謂也公
語之故且告之悔考叔曰若掘地及泉
隧而相見其誰曰不然公從之遂為母
子如初君子曰穎考叔純孝也愛其母
而施及莊公詩云孝子不匱永錫爾類
其是之謂乎

贊曰

仁惟本悌聖亦基孝恂二尼父固天攸
造一作導二子承親式禮遵誥永錫純懿

無改遺操

士孝傳

高柴

樂正子春

孔奮

黃香

高柴衛人也喪親泣血三年未嘗見齒
所謂哭不偯言不文也為武城宰而化
行民有不服其親者改之行喪如禮君
子之德風也以身先之而民不遺其親
樂正子春魯人也下堂傷足既瘳數月

不出猶有憂色曰吾聞之曾子父母全而生之已全而歸之可謂孝矣故君子一舉足一出言不敢忘父母不敢毀傷孝之始也夫能敬慎若斯而災患及者未之有也孔奮扶風人也少以孝行著名州里供養至謹在官唯母極甘美妻息菜食歷位以清夫人情莫不欲厚其親然亦有分焉奮則難繼能致儉以全養者鮮矣黃香江夏人也九歲失母思

慕骨立事父竭力以致養冬無被袴而盡滋味暑則扇床枕寒則以身溫席漢和帝嘉之特加異賜歷位恭勤寵祿榮親可謂夙興夜寐無忝爾所生者也

贊曰

顯允群士行殊名鈞咸能夙夜以義榮親率彼城邑用化厥民忠以悟主其孝乃純

庶人孝傳

江革

廉範

汝郁

殷陶

江革齊人也漢章帝時避賊負母而逃賊賢之不害而告其生路竭力傭賃以致甘暖和顏悅色以盡歡心欲親之安自挽車以行鄉人歸之號曰江巨孝位至五官中郎將天子嘉焉寵遇甚厚告歸詔書褒美就家禮其終身以顯異行廉範京兆人也少孤十五入蜀迎父喪

遇石舫覆範執骸

一作棺

而沒舫人救之

僅免於死遂以喪歸及仕郡拯太守於危難送故盡節章帝時為郡守百姓歌詠之夫孝者人之本教之所由生也是以範之臨危也勇宰民也惠能以義顯也汝郁陳郡人也五歲母病不食郁亦不食母憐之強食郁能察色知病輒復不食族人号曰異童年十五著於鄉里父母終思慕致毀推財與兄弟隱於草

澤君子以為難况童齒孝於自然可謂
天性也殷陶汝南人也年十二以孝稱
遭父憂率情合禮有長蛇帶其門舉家
奔走陶以喪柩在焉獨居廬不動親戚
扶持曉喻莫能移之啼號益盛由是顯
名屢辭辟命夫智者不惑勇者不懼陶
孝於其親而智勇並彰乎弱齡斯又難
矣

贊曰

事親盡歡其難在色彼養以祿我養以
力義在一作存愛敬榮不假飾嗟爾眾庶
鑒茲前式

陶淵明文集卷第七

陶淵明文集卷第八

疏祭文

與子儼等疏

告儼俟侏侏終天地賦命生必有死自古聖賢誰獨能免子夏有言曰死生有命富貴在天四友之人一曰四友親受音旨發斯談者將非窮達不可妄求壽夭永無外請故邪吾年過五十少而窮苦每以家弊東西遊走性剛才拙與物多

忤自量為已必貽俗患儻俛辭世使汝
等幼而飢寒余嘗感鴉仲賢妻之言敗
絮自擁何慙兒子此既一事矣但恨鄰
靡二仲室無萊婦抱茲苦心良獨內愧
少學琴書一作少書偶愛閑靜開卷有得
便欣然忘食見樹木交蔭時鳥寢聲亦
復歡然有喜常言五六月中北窓下卧
遇涼風暫至自謂是羲皇上人意淺識
罕謂斯言可保日月遂逝一作往機巧好

踈緬求在昔眇然如何疾患以來漸就
衰損親舊不遺每以藥石見救自恐大
分將有限也汝輩稚小家貧每役柴水
之勞何時可免念之在心若何可言然
汝等雖不同生當思四海皆兄弟之義
鮑叔管仲分財無猜歸生伍舉班荆道
舊遂能以敗為成因喪立功他人尚爾
况同父之人哉潁川韓元長漢末名士
身處卿佐八十而終兄弟同居至于没

齒濟北范稚春南史作幼春晉時操行

人也七世同財家人無怨色一作詩曰

高山仰止景行行止雖不能爾至心尚

一作之汝其慎哉吾復何言

祭程氏妹文

維晉義熙三年五月甲辰程氏妹服制

再周淵明以少牢之奠俛而酌一作之

嗚呼哀哉寒往暑來日月寢踈梁塵委

積庭草荒蕪寒二空室哀二遺孤有觴

虛莫人逝焉如誰無兄弟人亦同生嗟

我與爾特迫一作常情慈妣早世時尚

孺嬰我年二六爾纔九齡爰滋靡識撫

髻一作相成咨爾令妹有德有操靖恭

鮮言聞善則樂能正能和惟友惟孝行

止中閨可象可倣我聞為善慶自己蹈

彼蒼何偏而不斯報昔在江陵重罹天

罰兄弟索居乖隔楚越伊我與爾百哀

是切黯二高雲蕭二冬月白雲掩晨長

風悲節感惟崩號興言泣血尋念平昔
觸事未遠書疏猶存遺孤滿眼如何一
往終天不返寂二高堂何時復踐藪二
孤女曷依曷恃二遊孤一作魂誰主誰
祀奈何程妹於此永已死如有知相見
蒿里嗚呼哀哉

祭從弟敬遠文

歲在辛亥月惟仲秋旬有九日從弟敬
遠卜辰云寔永寧后土感平生之游靈

悲一往之不返情惻二以摧心淚慙二
而盈眼乃以園果時醪祖其將行嗚呼
哀哉於鑠吾弟有操有槩孝發幼齡友
自天愛少思寡欲靡執靡介後已先人
臨財思惠心遺得失情不依世其色能
溫其言則厲樂勝朋高好是文藝遙二
帝鄉爰感竒心絕粒委務考槃山陰淙
淙懸溜曖二荒林晨採上藥夕閑素琴
曰仁者壽竊獨信之如何斯言徒能見

欺年甫過立奄與世辭長歸萬里邈無
還期惟我與爾匪但親友父則同生母
則從母相及亂齒並罹偏咎斯情實深
斯愛實厚念疇昔日同房之歡冬無溫
褐夏渴瓢簞相將以道相開以顏豈不
多之忽忘飢寒余嘗學仕纏綿人事流
浪無成懼負素志斂策歸來爾知我意
常願攜手寘彼衆意一作宜每憶有秋
我將其刈與汝偕行舫一作舟同濟三

宿水濱樂飲川界靜月澄高温風始逝
撫杯而言物久人脆奈何吾弟先我離
世事不可尋思亦何極日徂月流寒暑
代息死生異方存亡有域候晨永歸指
塗載陟遺稚未能正言哀整人
禮儀孔閑庭樹如故齋宇廓然孰云敬
遠何時復還余惟人斯昧茲近情著龜
有告一作制我祖行望旒翩二執筆涕
盈神其有知昭余中誠嗚呼哀哉

自祭文

歲惟丁卯律中無射天寒夜長風氣一作

涼風蕭索鴻鴈于征草木黃落陶子將辭

逆旅之館永歸於本宅故人懷其相悲

同祖行於今夕著以嘉蔬薦以清酌俛

顏已冥聆音愈漠嗚呼哀哉茫茫大塊

悠悠蒼旻是生萬物余得為人自余為

人逢運之貧簞瓢屢罄締結冬陳含歡

谷汲行歌負薪翳柴門事我宵晨春

秋代謝有務中國載耘載耔迺育迺繁

欣以素牘和以七弦冬曝其日夏濯其

泉勤靡餘勞心有常閑樂天委分以至

一作百年惟此百年夫人愛之懼彼無

成愒日惜時存為世珍歿亦見思嗟我

獨邁曾是異茲寵非已榮涅豈吾淄粹

兀窮廬酣飲一作賦詩識運知命疇能

罔眷余今斯化可以無恨壽涉百齡身

慕肥遁從一作老得終奚所復戀寒暑

逾邁云既異存外姒晨來良友宵奔葬
之中野以安其魂宵二我行蕭二墓門
奢耻宋臣儉笑王孫廓兮已滅慨焉已
遐不封不樹日月遂過匪貴前譽孰重
後歌人生實難死如之何嗚呼哀哉

陶淵明文集卷第八

陶淵明文集卷第九

集聖賢群輔錄上

明由曉升級

宋均曰級等差政所先後也

必育受稅

俗

宋均曰受賦稅及役所宜施為也

成博受古諸

宋均曰古

諸侯職也

隕丘

一作受

延嬉

宋均曰延長嬉興也主受

此錄也

右燧人四佐燧人出天四佐出洛

宋均曰出天所生也


金提

一作堤

主化俗

宋均曰為民除災害也

鳥明主



建福宋均曰福視默主灾惡宋均曰為

也紀通為中職宋均曰為主內職也仲起為海

陸宋均曰主平陽侯為江海宋均曰主

本湖作

右伏羲六佐六佐出世宋均曰安

人故增二佐出世

風后受金法宋均曰金法言天老受天

錄宋均曰錄五聖受道級宋均曰級知

命受糾俗宋均曰糾正也窺紀受變復宋均曰復

能補地典受州絡宋均曰絡力墨受準

斥宋均曰準斥凡事

右黃帝七輔州選舉翼佐帝德自

燧人四佐至七輔見論語摘輔象

重該脩熙

右少昊四叔實能金木及水使重

為勾芒該為蓐收脩及熙為玄冥

世不失職遂濟窮桑見左傳蔡墨

辭

義仲 義叔 和仲 和叔

右義和四子孔安國云即堯之四
岳分掌四岳諸侯鄭玄云堯既分
陰陽為四時命義仲和仲義叔和
叔等為之官又主方岳之事是為
四岳見鄭尚書注

伯夷為陽伯 樂舞侏離 義仲之後為義

伯 樂舞翳哉 棄為頁伯 樂舞武漫哉

字義叔之後為義伯 樂舞將陽 咎繇為

秋伯 樂舞蔡淑 和仲之後為和伯 樂舞

歌曰 垂為冬伯 樂舞丹鳳 一曰齊落

右八伯自義和死後分置八伯舜

既即位元祀巡狩每至其方各貢

兩伯之樂大傳冬伯後闕一人鄭

玄云此上下有脫辭其說未聞十

有五祀後又百工相和而歌慶雲

八伯稽首而進者也見尚書大傳

謹堯 共工 鯀 三苗

右四凶

蒼舒 隕斨 檮戢 大臨 尫降

庭堅 仲容 叔達

右高陽氏才子八人齊聖廣淵明

允篤誠天下之民謂之八凱

伯奮 仲堪 叔獻 季仲 伯虎

仲熊 叔豹 季狸

右高辛氏才子八人忠肅恭懿宣

慈惠和天下之民謂之八元從四

凶至此悉見左傳季女子辭

禹作司空 棄作稷 契作司徒

咎繇作士 益作朕虞 垂作共工

伯夷作秩宗 龍作納言 夔作曲樂

右九官舜登帝位所選命見尚書

雄陶 方回 續牙 伯陽 東不訾

或云 秦不虛 或云 靈甫 不識 不空

右舜七友並為歷山雷澤之游戰

國策顏斨云堯有九佐舜有七友

而尸子只載雄陶等六人不載靈甫皇甫士安作逸士傳云視其友則雄陶方回續牙伯陽東不訾秦不空靈甫之徒是為七子與戰國策相應

禹 稷 契 皋陶 益

右舜五臣見論語已列九官中

禹 稷 契 皋陶 伯夷 垂 益

憂

右八師見楚辭七諫

伯夷 禹 稷

右三后伯夷降典制民惟刑禹平水土主名山川稷降播種農植嘉穀三后成功惟殷于民漢太尉楊賜曰昔三后成功皋陶不與焉蓋各之也見尚書甫刑後漢書

微子 箕子 比干

右殷三仁論語曰微子去之箕子

為之奴比干諫而死孔子曰殷有三仁焉

伯夷 太公

右二老尚書大傳曰太公避紂居東海之濱皆率其黨曰盍歸乎吾聞西伯昌善養老此二人者蓋天下之大老也往而歸之是天下之父歸之也天下之父歸之其子曷往孔融曰西伯以二老開王業

闕天 太公望 南宮适 散宜生

右文王四友尚書大傳云闕天南宮适散宜生三子學于太公望望曰嗟乎西伯賢君也四子遂見西伯於羨里孔子曰文王有四臣止亦得四友此四人則文王四隣也

伯達 伯适 仲突 仲忽 叔夜

叔夏 季隨 季騶

右周八士見論語賈逵以為文王

時鄭玄以為成王時也

伯邑考

武王發

管叔鮮

周公旦

蔡叔度

曹叔振鐸

霍叔武

邾叔處

康叔封

聃季載

一本無邾叔處有毛叔圍

右太姒十子太史公曰太姒十子

周以宗強見史記

周公旦

邵公奭

太公望

畢公

毛公

閔公

太顛

南宮适

散宜生

文母

太姒也

右周十亂見論語其四人已列四

友

秦公牙

吳班

孫尤

大夫冉贇

公子麋

右五王並能相焉尸子曰古有五

王之相迺謂之王其貴之也

狐偃

趙衰

顛頡

魏武子 司空季子

右晉文公從云五人叔向曰生十
七年有士五人見左傳及晉太尉
劉琨詩曰重耳憑五臣

奄息

仲行

鍼虎

右三良子車氏之子秦穆公沒要
以從死詩人悼之為賦黃鳥見左
傳毛詩

子展賦草蟲

子罕

子西賦黍苗

子駟

子產賦隰桑

子國

公孫段賦桑扈

子豐

子伯有賦鷄之賁賁

子良孫

子大

叔賦野有蔓草

子游孫

印段賦蟋蟀

子印孫
子張子

右鄭七穆謂之七子鄭穆公子十

有一人罕駟豐印游國良七人子

孫並有才名世任鄭國之政以免

晉楚之難謂之七穆叔向曰鄭士

穆氏其后亡乎及諸侯為宋之盟

鄭伯享趙武子垂隴七卿皆從文
子曰七卿從君以寵武也請皆賦
以卒君貺亦以觀七子之志見左
傳又吳質書云趙武過鄭七子賦
詩

仲孫穀文伯獻子莊子孝伯叔孫得臣

莊叔穆子昭子成季孫行父文子武子悼子

平子桓子康子

右魯桓公之曾孫世秉魯政號曰

三桓孔子曰三桓之子孫微矣見

論語左傳

趙無恆襄子趙衰始為卿至無恆四世范吉射昭子

士會始為卿至吉射五世智瑤襄子荀首始為卿至瑤六世荀

寅文子荀林父始為卿至寅四世魏多襄子魏絳始為卿至

多四世韓不信簡子韓厥始為卿至不信四世

右六族世為晉卿並有功名此六

人實弱晉國滔于越云卒有田常

六卿之臣劉向亦曰田常復見於

今六卿必起於漢見左傳史記漢書

儀封人 荷蕢 晨門 楚狂接輿

長沮 桀溺 荷蓀丈人 一作伯夷 叔齊虞仲

夷逸朱張柳下惠少連

右作者七人論語曰賢者避世其次避地其次避色其次避言孔子曰作者七人見包氏注董威贊詩曰洋二乎盈耳哉而作者七人

德行 顏淵 閔子騫 冉伯牛

仲弓

言語 宰我 子貢

政事 冉有 季路

文學 子游 子夏

右四科見論語

顏回 子貢 子路 子張

右孔子四友文王有胥附奔奏先後禦侮謂之四隣孟懿子曰夫子

亦有四隣乎子曰吾有四友焉自
吾得回門人益親是非肯附乎自
吾得賜遠方之士日至是非奔奏
乎自吾得師前有先後有輝是非
先後乎自吾得由惡言不至於門
是非禦侮乎見孔叢子

顏回

冉伯牛

子路

宰我

子貢

公西華

右六侍仲尼志意不立子路侍儀

服不脩公西華侍禮不習子貢侍
辭不辯宰我侍亡忽古今顏回侍
節小物冉伯牛侍曰吾以夫六子
自厲也見尸子

檀子

盼子

黔夫

種首

右齊威王疆場四臣齊威王與魏
惠王會田於郊魏王問威王曰王
有寶乎威王曰無有魏王曰若寡
人國雖小猶有徑寸之珠照前後

車各十二乘者十枚奈何為萬乘之國而無寶乎威王曰寡人之所以為寶與王異吾臣有檀子者使守南城則楚人不敢為寇東取泗上十二諸侯皆來朝吾臣有盼子者使守高唐則魏人不敢東漁於河吾臣有黔夫者使守徐則燕人祭北門趙人祭西門從而從之者七十餘家吾臣有種首者使備盜

賊則道不拾遺以此為寶將以照千乘豈直十二乘哉魏惠王慙不懌而去見史記及春秋後語

齊孟嘗君田文

魏信陵君无忌

趙平原君趙勝

楚春申君黃歇

右戰國四豪見史記

太子少傅留文成侯韓張良

相國鄼文終侯沛蕭何

楚王淮陰侯韓信

右三傑漢高祖曰此三人人之傑也見漢書

園公

姓園名秉字宣明陳留襄邑人常居園中故号園公見陳留志

綺里季

夏黃公

姓崔名廓字少通齊人隱居修道号夏黃

公見崔氏譜

角里先生

右商山四皓當秦之末俱隱上洛

商山皇甫士安云並河内軹人見

漢書及皇甫謐高士傳

太子太傅踈廣字仲翁

宣帝本始四年魏相為御史大

夫薦廣於霍光時年六十七以元康三年告退年六十七

太子少傅踈受字公子

廣兄子也

右二踈東海人宣帝時並為太子

師傅每朝太傅在前少傅在後朝

廷以為榮授太子論語孝經各以

老疾告退時人謂之二踈見漢書

重合令子輿

居宋

櫟陽令子羽

居東觀里

東海太守子仲

居宜里

兗州刺史子明

居西商里

潁陽令子良

居遂興里

右郡汝南周燕少卿之五子號曰五龍各居一里子孫並以儒素退讓為業天下著姓見周氏譜及汝南先賢傳

龔勝字君賓

龔舍字君倩

或曰長倩

右並楚人皆治清節世號二龔見

漢書

唐林字子高

唐尊字伯高

右並沛人亦以潔履著名於成哀

之世號為二唐比楚二龔後皆仕王莽見漢書左思曰二唐潔已乃點及汙

平阿侯王譚

成都侯王商

紅陽侯

王章

曲陽侯王根

高平侯王逢時

右並以元后弟同日受封京師號曰五侯並奢豪富侈招賢下士谷永樓護皆為賓客時人為之語曰谷子雲之筆扎樓君卿之唇舌言

出其門也見漢書張載詩曰富侈
擬五侯

北海逢萌字子康
北海徐房字平原
李曇字子雲
平原王遵字君公

右皆懷德穢行不仕亂世相與為
友時人号之四子見後漢書嵇康
高士傳

求仲 羊仲

右二人不知何許人皆治車為業

挫廉逃名一作世蔣元卿之去兗州

還杜陵荆棘塞門舍中有三逕不
出惟二人從之游時人謂之二仲

見嵇康高士傳

太傅高密元侯南陽鄧禹字仲華

大司馬廣平忠侯南陽吳漢字子顏

左將軍膠東剛侯南陽賈復字君文

建威大將軍好時愍侯扶風耿弇字伯

昭

陸集九
執金吾雍奴威侯上谷寇恂字子翼

江西大將軍陽夏節侯潁川馮異字公

孫

征南大將軍舞陽壯侯南陽岑彭字君

然

征虜將軍潁陽成侯潁川祭遵字弟孫

太常靈壽侯信都邳彤字偉君

東郡太守東莞成侯鉅鹿耿純字伯山

上谷太守淮陰侯潁川王霸字元伯

左中郎將朗陵愍侯潁川臧宮字君翁

驃騎大將軍櫟陽侯馮翊景丹字孫卿

驃騎大將軍參蘧侯南陽杜茂字諸公

建義大將軍鬲侯南陽朱祐字仲先

驃騎將軍慎靖侯南陽劉隆字元伯

揚武將軍全椒侯南陽馬成字君遷

大司空阜成侯漁陽王梁字君嚴

衛尉安城忠侯潁川鮑期字次况

左馮翊安平侯漁陽蓋延字巨卿

捕虜將軍楊虛侯南陽馬武字子張
 驍騎將軍昌城侯鉅鹿劉植字伯先
 左將軍阿陵侯南陽任光字伯卿
 豫章太守中水侯東萊李忠字仲都
 左將軍槐里侯扶風萬脩字君游
 琅邪太守祝阿侯南陽陳俊字子昭
 積弩將軍昆陽威侯潁川傅俊字子衛
 揚化將軍合肥侯潁川堅鐔字子伋
 右河北二十八將光武所與定天

下見後漢書張衡東京賦云受鉞

四七共工以除

武威太守梁統字仲寧

金城太守庫鈞字巨公

張掖太守史苞字叔文

酒泉太守竺曾字巨公

燁煌太守辛彤字大房

右河西五守是時更始已為赤眉
 所害隗囂密有異志統等五人共

推竇融為河西大將軍內撫吏民
外禦寇戎東伐隗囂歸心世祖克
建功業見後漢書及善文

大鴻臚韋孟達

上黨太守公孫伯達

河陽長魏仲達

右扶風平陵人同時齊名世号三
達孟達名彪丞相賢五世孫明帝
時人見漢書及决錄

光祿大夫周舉

光祿大夫杜喬

光祿大夫周栩

尚書藥巴

青州刺史馮羨

兗州刺史郭遵

太尉長史劉班

侍御史張綱

右八使漢順帝時政在權宦官以
賄成周舉等議遣八使循行風俗
同日俱發天下号曰八使見張璠

漢紀

平輿令韋順字叔文

歷位樂平相去官
以琴書自娛不應

三公之命後為平輿
令吏民立祠社中

順弟武陽令豹字季明

友人羅陵捷為縣丞卒官喪柩

流離豹弃官致喪歸比辟公府輒弃去司徒劉愷尤敬之

豹弟廣都長義字季節

少好學不求榮利四十乃仕三

為令長皆有惠化以兄喪去官辟公府不就廣都為立生祠焉

右清河太守韋文高之三子皆以

學行知名時人号韋氏三君見京

地舊事

楊震字伯起

以太常為司徒遷太尉

震子秉字叔節

以太常為太尉

秉子賜字伯獻

以光祿勳為司徒一太尉

賜子彪字文先

以太中大夫為公一司徒一太尉

右楊氏四公弘農華陰人自孝安

至獻帝七世父子以德業相繼為

三公見續漢書

袁安字邵公

以太僕為司徒

安子敞字叔平

以光祿勳為司空

敞子湯字仲河

以太僕為司徒

湯子逢字周陽

以屯騎校尉為司空

逢弟隗字次陽

以太常為司空太尉

右袁氏四世五公見續漢書

處士豫章徐稚字孺子

京兆韋著字休明

汝南袁闕字夏甫

彭城姜肱字伯淮

潁川李曇字子雲

右太傅汝南陳公時為尚書令與諸尚書悉名士也共薦此五人時

号五處士見續漢書及善文

周子居 黃叔度 艾伯堅 邳伯向

封武興 盛孔叔

右汝南六孝廉太守李伋選此六人以應歲舉受版未行伋死子居等遂駐行喪伋妻於柩側下帷見之厲以宜行子居歎曰不有行者莫宣公不有止者莫邱居於是與伯堅即日辭行封黃四人留隨柩

車見杜元凱女戒

大將軍規里侯扶風平陵竇武字游平

天下忠誠
竇游平

太傅高陽鄉侯汝南平輿陳蕃字仲舉

天下義府
陳仲舉

侍中河間樂成劉淑字仲承天下德弘

右三君

少傅潁川襄城李膺字元禮天下模楷

司空山陽高平王暢字叔茂天下英秀

太僕潁川陽城杜密字周甫天下良輔

司隸校尉沛國朱寓字季陵天下冰凌

尚書會稽上虞魏朗字少英天下忠貞

沛國潁陰荀翬字伯條天下好交

大司農博陵安平劉祐字伯祖天下稽古

祖

太常蜀郡成都趙典字仲經天下才英

右八俊

有道太原介休郭泰字林宗天下和雅

太常陳留圉夏馥字子治天下慕侍

尚書令河南鞏尹勳字伯元天下英藩

河南尹太山平陽羊陟字嗣祖天下清

議郎東郡發劉儒字叔林天下瑤金

冀州刺史陳國項蔡衍字孟喜天下雅

穎川太守渤海東城巴肅字恭祖天下虎

祖巴恭

議郎南陽安衆宗慈字孝初天下通儒

右八顧後漢書無劉儒有范滂

御史中丞汝南召陵陳翔字子鱗海內

陳子鱗

衛尉山陽高平張儉字元節海內忠烈

太尉掾汝南細陽范滂字孟博海內寒

博

蒙令山陽高平檀敷字文有海內通士

洛陽令魯國孔昱字世元海內才珍孔

元世字

太山太守渤海重合宛康字仲真

海內
彬二

真宛仲

太尉掾南陽棘陽岑暉字公孝

海內
好岑公

孝

鎮南將軍荊州牧武城侯山陽高平劉

表字景升

海內所稱
劉景升

右八及

後漢書無范滂有翟超

少府東萊曲城王商字伯義

海內賢
王伯義後

漢書作
王章

郎中魯國蕃嚮字嘉景

海內修整
蕃嘉景

北海相陳留己吾秦周字平王

海內貞
良秦平

王

侍御史太山奉高胡毋班字季皮

海內
珍奇

胡毋
季皮

太尉掾潁川陰劉翊字子相

海內光
劉子相

冀州刺史東平壽張王考字文祖

海內
依枯

王文
祖

陳留相東平壽張張邈字孟卓海內嚴

卓海內嚴荆州刺史山陽湖陸度尚字博平清明

度博平

右皆傾財竭已後漢書無劉翊有劉解釋怨結拯救危

急謂之八厨後漢書無劉翊有劉

從三君至此並見三君八俊錄

太丘長潁川陳寔字仲弓

寔子大鴻臚紀字元方

紀弟司空掾諶字季方

右並以高名號曰三君見甄表狀

及邯鄲淳紀碑

陶淵明文集卷第九

陶淵明文集卷第十

集聖賢羣輔錄下

太尉河南杜喬字叔榮

禮記春秋尚書

老子隱居不仕年四十一

為郡太常燬煌

張奐字然明

狀後七方亮直學該群籍

財貨珍寶一幅中時

服無棺而葬焉侍

中河內向詡字甫興

好狀黃老虛伯然

肆志不慕時太傅汝南陳蕃字仲舉

狀

諤又曰明允貞亮與大將軍實武志匡



社稷機事不密
太尉沛國施延字君子

狀臨清公黎白進士許少府潁川李膺

字元禮狀膺承三公之法不言英聲宣於

華夏高名司隸沛國朱寓字季陵

一冠於指紳中正無識知時遭難無後本郡

太僕潁川杜密字周南名密清高雅達

王郡恩大鴻臚潁川韓融字元長

知棧發於政巖時人名之曰窮神且知化

約不隕厥問司空潁川荀爽字慈明

年十二隨父在公府羣公卿校咸究極

也或遣進奏或親候從儒林歸伏究極

籍篇司空清河房植字伯武

職位州郡政成化行既登三事請恭衣

是過聘士彭城姜肱字伯淮

純固事親至孝五十年夏名播四海太尉

下邳陳球字伯真中球清高忠直孝靈

以官司空山陽王暢字叔茂

朝身居家在徵士陳留申屠蟠字子龍

見齒每至父母亡日三日不食在塚側

致甘露白雉以孝稱州郡表其門衛尉

閭徵聘不就年七十終於家直閨門

山陽張儉字元節孝狀儉體性忠直清亮

絕大司農北海鄭玄字康成狀玄含海

體大雅之洪則學無常師講求道與數

性徵士樂安冉瑒字孟玉狀瑒體清純

也而行前後十五辟皆不就除高唐令色

斯而舉時陳仲舉李元禮仲弓皆難其

風太尉漢中李固字子堅狀固當順桓

其道桓帝即位遜死於讒官有道太原

郭泰字林宗名狀泰器量弘深孝友貞固

禮命曾不旋軌辟司益州刺史南陽朱

徒徵有道並不軌辟司益州刺史南陽朱

穆字公叔初狀穆中嚴恪有才數明見

賤益輝切上書陳豐令政平民和有處子

狀朗資純美情至尚書會稽魏朗字少英

朝忠謇正直之節播於京師聘士豫章

徐稚字鴛子前狀稚妙德高偉清其起世

山樓養志浩然有夷齊未嘗降志抗名

之高蓬伯玉卷舒之術度遼將軍安定

皇甫規字威明第狀對策指刺黃門梁冀

不能樂用退隱山

石敷樂詩書

右魏文帝初為丞相魏王所旌表

二十四賢後明帝乃述撰其狀見文帝令及甄表狀

太常燉煌張英字然明為度遠將軍幽

之徵拜大司農賜錢除家一人為郎

度遠將軍安定皇甫規字威明

太尉武威段熲字紀明

右涼州三明並著威名於桓靈之世悉名士也見續漢書

韋權字孔衡 弟瓚字孔玉

瓚弟矩字孔規

右太尉掾韋子才之三子皆修仁義兄弟孝友逢盜賊一人病不能去兄弟相募兵至俱死時人稱之号韋三義見三輔決錄

荀儉字伯慈漢侍中儉弟緄字仲慈濟

相漢光祿大夫或緄弟靖字赫慈或問

許劭年六十六賢幼曰二人皆玉也慈明

外朗傲慈內潤靖隱身修學勤必以禮

弟汪字孟慈昆陽令汪弟爽字慈明公

徵為平原相遷光祿勳司空出自巖爽

弟肅字敬慈年五肅弟勇字幼慈

司徒掾年七十

右朗陵令潁川荀季和之八子並

有德業時人号之八龍居西豪里

勃海宛康知名士也時為潁陰令

美之曰高陽氏才子八人遂改所

居為高陽里見張璠漢紀及荀氏

譜

公沙紹字子起北紹弟字允慈海

者舊傳稱字與荀爽共約出不得事貴

勢而爽當董卓時脫巾未百日位至司

違約割席而坐字弟恪字允讓

恪弟達字義則起達弟樊字義起

右北海公沙穆之五子並有令名

京師号曰公沙五龍天下無雙穆

亦名士也見魏明帝甄表狀及後漢書

膠東令盧記昭字興先 樂城令剛

戴祁字子陵 潁陰令剛徐晏字孟

平 涇令盧夏隱字叔世 州別

駕蛇上劉彬字文曜一云世州

右濟北五龍少並有異才皆稱神

童當桓靈之世時人号为五龍見

濟北英賢傳

孝廉杜陵金敞字元休州刺史上計掾

長陵第五巡字文休興先之子興先名種司空伯魚之孫

名士也不詳也 上計掾杜陵韋端字

甫休位至涼州

右同郡齊名時人号之京兆三休

並以光初元年察舉見三輔决錄

晉宣帝河南司馬懿字仲達

魏司空潁川陳羣字長文

中領軍譙朱鑠字彥才

侍中濟陰吳質字季重

右魏文帝四友見晉紀

魏步兵校尉陳留阮籍字嗣宗

中散大夫譙愁康字炳夜

晉司徒河內山濤字巨源

建威參軍沛劉伶字伯倫

始平太守陳留阮咸字仲容籍兄子

散騎常侍河內向秀字子期

司徒琅邪王戎字濬冲

右魏嘉平中並居河內山陽共為

竹林之游世号竹林七賢見晉書

魏書袁宏戴逵為傳孫統又為讚

吳軌相風吳人劉惔占氣河內人趙達筭河內人

人皇象書廣陵人嚴子卿棊名昭武衛尉宗

壽占夢失一不曹不興畫為孫權畫屏風

為蠅後張御坐權以非也孤城鄭姥相

見王師傳後為太子太傅

右吳八絕見張勃吳錄

陳留董昶字仲道 琅邪王澄字平子

陳留阮瞻字千里一云阮八百即瞻弟

故大將軍王敦云方穎川庾凱字子嵩

瞻有減故云八百太山胡毋輔之字

陳留謝鯤字幼輿樂安光逸字孟

祖彥國沙門于法龍

右晉中朝八達近世聞之故老

裴徽字文秀魏冀州刺史裴楷字叔則徽弟

晉光祿大夫裴綽字季舒楷弟長裴瓚字國

寶楷子中裴邈字景初楷孫欽子太裴

遐字叔道瓚子太裴康字仲豫微弟二

左率裴頡字逸民楷孫季子晉尚書僕射

王祥字休徵晉太王戎字濬冲父渾涼

祥族子王澄字平子行弟裴綽女王導

字茂弘覽孫裁子王綏字萬子戎子

裴康女壻王衍字夷甫戎父王玄字眉子衍子

字處仲覽孫基弟二王玄字眉子衍子

史內

右河東八裴琅邪八王聞之於故老

魏司空王昶字文舒 昶子汝南太守
湛字處沖 湛子東海內史承字安期
承子驃騎將軍述字懷祖 述子安北
將軍坦之字文度 魏尚書僕射杜畿
字伯侯 畿子幽州刺史恕字務伯
恕子鎮南將軍頽字元凱 頽子散騎
常侍錫字世嘏 錫子光祿大夫又字
弘治

右太原王京兆杜各稱五世盛德

聞之於故老凡書籍所載及故老
所傳善惡聞於世者蓋盡於此矣
漢稱田叔孟舒等十人及田橫兩
客魯二儒史並失其名夫操行之
難而姓名翳然所以撫卷長慨不
能已已者也

八儒

二子沒後散於天下設於中國成百氏
之源為綱紀之儒居環堵之室革門圭

竇甕牖繩樞併日而食以道自居者有
道之儒子思氏之所行也衣冠中動作
順大讓如慢小讓如偽者子張氏之所
行也顏氏傳詩為道為諷諫之儒孟氏
傳書為道為踈通致遠之儒漆雕氏傳
禮為道為恭儉莊敬之儒仲梁氏傳樂
為道以和陰陽為移風易俗之儒樂正
氏傳春秋為道為屬辭比事之儒公孫
氏傳易為道為潔淨精微之儒

三墨

不累於俗不飾於物不尊於名不忤於
衆此宋劔尹文之墨裘褐為衣跂蹻為
服日夜不休以自苦為極者相里勤五
侯子之墨俱稱經而背譎不同相謂別
墨以堅白此苦獲已齒鄧陵子之墨
靖節徵士誄

宋金紫光祿大夫贈特進顏延年
夫璿玉致美不為池隍之寶桂椒信芳

而非園林之實豈其樂深而好遠哉蓋
云殊性而已故無足而至者物之藉也
隨踵而立者人之薄也若乃巢由之抗
行夷皓之峻節故已父老堯禹錙銖周
漢而縣世寢遠光靈不屬至使菁華隱
沒芳沅歇絕不亦惜乎雖今之作者人
自為量而首路同塵輟塗殊軌者多矣
豈所以昭末景泛餘波乎有晉徵士潯
陽陶淵明南岳之幽居者也弱不好弄

長實素心學非稱師文取指達在衆不

失其寡處言每見其嘿少而貧苦

一作病

居無僕妾井臼弗任藜藿不給母老子

幼就養勤匱遠惟田生致親之議追

一作

近悟毛子捧檄之懷初辭州府三命後

為彭澤令道不偶物棄官從好遂乃解

體世紛結志區外定迹深棲於是乎遂

一作遠灌畦鬻蔬為供魚菽之祭織紉緯

蕭以充糧粒之費心好異書性樂酒德

簡棄煩但就成省曠殆所謂國爵屏貴
家人忘貧者歟有詔徵著作郎稱疾不
赴春秋六十有三元嘉四年月日卒於
潯陽縣之某里一作柴桑里近識悲悼遠士
傷情冥默福應嗚呼淝貞夫實以誅華
名由謚高苟允德義貴賤何算焉若其
寬樂令終之美好廉克己之操有合謚
典無愆前志故詢諸友好宜謚曰靖節
徵士其詞曰

物尚孤特一作生人固介立豈伊時違曷

云世及嗟乎若士望古遥集韜此洪族

蔑彼名級睦親之行至自非敦然諾之

信重於布言廉深簡潔貞夷粹溫和而

能峻博而不繁依世尚同詭時則異有

一於此而兩一作非默置豈若夫子曰心

違事達一作理畏榮好古薄身厚志世霸虛

禮州壤推風孝惟義養道必懷邦人之

秉彛不隘不恭爵同下士祿等上農度

量難鈞進退可限長卿棄官稚賔自免
子之悟之何悟之辯賦辭歸來高蹈獨
善亦既超曠無適非心汲流舊壩寄宇
家林晨煙暮靄春煦秋陰陳書綴卷置
酒絃琴居備勤儉躬兼貧病人否其憂
子然其命隱約就閑遷延辭聘非直也
明一作是惟道性糾纏幹流冥漠報施
孰云與仁實疑明智謂天蓋高胡警斯
義履信曷憑思順何寘年在中身疾病

疴疾視化如歸臨凶若吉藥劑弗嘗禱
祠非恤僚幽告終懷和長畢嗚呼哀哉
敬述清一作節式遵遺占存不願豐沒
無求贍省訃却賻輕哀薄斂遭壤以穿
旋葬而窆嗚呼哀哉深心追往遠情逐
化自爾介居及我多暇伊好之洽接閭
隣舍宵盤晝態非舟非駕念昔宴私舉
觴相誨獨正者危至方則礙括人卷舒
布在前載取鑑不遠吾規子佩爾寔楸

然中言而發遺衆速尤迂風光蹶身才
非實榮聲有歇徽一作音永矣誰箴余
闕嗚呼哀哉仁焉而終智焉而斃黠婁
既沒展禽亦逝其在先生同塵往世旌
此靖節加彼康惠嗚呼哀哉

傳

昭明太子

陶淵明字元亮或云潛字淵明潯陽柴
桑人也曾祖侃晉大司馬淵明少有高
趣博學善屬文穎脫不羣任真自得嘗

著五柳先生傳以自况曰先生不知何

許人也亦不詳姓字宅邊有五柳樹一

無樹曰以為號焉閑靜少言不慕榮利

好讀書不求甚解每有會意欣然忘食

性嗜酒而家貧不能恒得親舊知其如

此或置酒招之造飲輒盡期在必醉既

醉而還曾不悟情去留環堵蕭然不敞

風日短褐穿結簞瓢屢空晏如也嘗著

文章自娛頗示已志忘懷得失以此自

終時人謂之實錄親老家貧起為州祭
酒不堪吏職少日自解歸州召主簿不
就躬耕自資遂抱羸疾江州刺史檀道
濟往候之偃卧瘠餒有日矣道濟謂曰
賢者處世天下無道則隱有道則至今
子生文明之世奈何自苦如此對曰潛
也何敢望賢志不及也道濟饋以梁肉
麾而去之後為鎮軍建威參軍謂親朋
曰聊欲弦歌以為三徑之資可乎執事

者聞之以為彭澤令不以家累自隨送
一力給其子書曰汝旦夕之費自給為
難今遣此力助汝薪水之勞此亦人子
也可善遇之公田悉令吏種秫曰吾常
得醉於酒足矣妻子固請種秔乃使二
頃五十畝種秫五十畝種粳歲終會郡
遣督郵至縣吏請曰應東帶見之淵明
歎曰我豈能為五斗米折腰向鄉里小
兒即日解綬去職賦歸去來徵著作郎


不就江州刺史王弘欲識之不能致也
淵明嘗往廬山弘命淵明故人龐通之
齋酒具於半道栗里之間邀之淵明有
脚疾使一門生二兒昇一作舉籃輿既至
欣然便共飲酌俄頃弘至亦無迂也先
是顏延之為劉柳後軍功曹在潯陽與
淵明情款後為始安郡經過潯陽日造
淵明飲焉每往必酣飲致醉弘欲邀延
之坐一作赴坐彌日不得延之臨去留二萬

錢與淵明淵明悉遣送酒家稍就取酒
嘗九月九日出宅邊菊叢中坐久之滿
手把菊忽值弘送酒至即便就酌醉而
歸淵明不解音律而蓄無絃琴一作無絃素琴
一張每酒適輒撫弄以寄其意貴賤造
之者有酒輒設淵明若先醉便語客我
醉欲眠卿可去其真率如此郡將常候
之值其釀熟取頭上葛巾漉酒漉畢還
復著之時周續之入廬山事釋惠遠彭

城劉遺民亦遁迹匡山淵明又不應徵
命謂之潯陽三隱後刺史檀韶苦請續
之出州與學士祖企謝景夷三人共在
城北講禮加以讎校所任公廨近於馬
隊是故淵明示其詩云周生述孔業祖
謝響然臻馬隊非講肆校書亦已勤其
妻翟氏亦能安勤苦與其同志自以曾
祖晉世宰輔恥復屈身後代自宋高祖
王業漸隆不復肯仕元嘉四年將復徵

命會卒時年六十三世號靖節先生

陶淵明文集卷第十



北齊楊休之序錄

余覽陶潛之文辭采雖未優而徃徃有
奇絕異語放逸之致棲托仍高其集先
有兩本行於世一本八卷無序一本六
卷并序目編比顛亂兼復闕少蕭統所
撰八卷合序目傳誄而少五孝傳及四
八目然編錄有體次第可尋余頗賞潛
文以為三本不同恐終致忘失今錄統
所闕并序目等合為一秩十卷以遺好

事君子

本朝宗丞相私記

右集按隋經籍志宗徵士陶潛集九卷
又云梁有五卷錄一卷唐志陶泉明集
五卷今官私所行本凡數種與二志不
同有八卷者即梁昭明太子所撰合序
傳誅等在集前為一卷正集次之云其
錄有十卷者即楊僕射所撰按休之字
子烈事北
齊為尚書左僕射以好學
文藻知名與魏收同時按吳氏西齋

錄有宗彭澤令陶潛集十卷疑即此也
其序并昭明舊序誅傳等合為一卷或
題曰第一或題曰第十或不署於集端
別分四八目自甄表狀杜喬以下為第
十卷然亦無錄余前後所得本僅數十
家率不知何者為是晚獲此本云出於
江左舊書其次第最若倫貫又五孝傳
已下至四八日子注詳密廣於他集惟
篇後八儒三墨二條此似後人妄加非

陶公本意且四八目之末陶自為說曰
書籍所載及故老所傳善惡聞於世者
蓋盡於此即知其後無餘事矣按四八
目例每
一事已陶即具疏所聞或經傳所出以
結前意此二條既無後說益知贊附之
妄故今不著輒別存之以俟博聞者廣
平宗庠私記

書靖節先生集後

梁鍾記室嶸評先生之詩為古今隱逸
詩人之宗今觀其風致孤邁蹈厲溈源

又非晉宋間作者所能造也昭明太子
舊所纂錄且傳寫寔訛復多脫落後人
雖加綜緝曾未見其完正愚嘗採拾衆
本以事讎校詩賦傳記贊述雜文凡一
百五十有一首洎四八目上下二篇重
條理編次為一十卷近永嘉周仲章太
守枉駕東嶺示以

本朝宋丞相刊定之本於疑闕處甚有
所補其楊僕射序錄宋丞相私記存于

正集外以見前後記錄之不同也時皇
宋治平三年五月望日思悅書

靖節先生江左偉人世高其節先儒謂
其最善任真者方其為貧也則求為縣
令仕不得志也則掛冠而歸此所以為
淵明設其詩文不工猶當敬愛況如渾
金璞玉前賢固有定論耶僕近得先生
集乃群賢所校定者因鋟于木以傳不朽
云紹興十年十一月 日


書

先君嘗謂辰曰汝外祖有北宋本陶集係蘇文忠手
書以入墨板者為吾鄉有力者致之其後卒燼於火
蓋文忠景仰陶公不獨和其詩又手書其集以壽梓
其鄭重若此等秘冊如隨珠和璧豈可多得哉辰
謹佩不敢忘一日晤錢遵王出此本示余開卷細玩
是東坡筆法但思悅跋後有紹興十年跋缺其姓名知非北
字本矣而筆法宛是蘇體意從蘇本翻雕者初太
倉頡伊人湄齋此書求售以示遵王遵王曰此元板也
不足重伊人曰何謂遵王曰中有字本作某非元板
而何伊人語塞遂折閱以售余聞而笑曰所謂字本

者宗丞相本也遵王此言不知而發是不智也知而
言之是不信也余則久奉先君之訓知其為善本也
伊人知之遂持原價贖之願其室曰陶廬而乞當代
巨手為之記余謂之曰微余言則明珠暗投久矣焉
得所謂陶廬者乎今借余抄之可乎業師梅仙錢
先生書法甚工因求手摹一本匝歲而後卒業筆墨
璀璨典刑儼然後之得吾書者勿易眎之也先外
祖諱梅字德馨自號約菴嚴文靖公之孫中翰洞
庭公第四子也甲戌四月下澣汲古後人毛辰謹識

湘潭胡伯蘄性孤介隱居不仕好陶詩
又好東坡書偶得汲古閣陶集字體似
蘇者喜而能一本以寄余伯蘄沒後其
弟桐生取以付梓甫開雕而桐生又沒
吾邑俞秀山慨然命工刻成之秀山與
伯蘄兄弟未謀面而有此雅誼使陶集
善本及伯蘄妙墨流傳於世良之尚也
光緒己卯六月番禺陳澧題記





Handwritten text in vertical columns, likely bleed-through from the reverse side of the page. The text is written in a cursive style and is mostly illegible due to fading and the bleed-through effect. A faint signature or mark is visible in the center of the page, similar to the one on the left page.



